



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e - mail: info@voda.ba

Broj: **UP-1/21-3-40-518-7/23**
Datum: **25.3.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica „PEČANKA“ d.o.o. Cazin, za izdavanje vodne dozvole za ispuštanje oborinskih onečišćenih voda sa lokacije objekta benzinske pumpne stanice sa pratećim sadržajima, izgrađenog u naselju Pećigrad, Grad Cazin, na osnovu člana 109. stav (1) tačka 2. i člana 139. stav (1) tačka 3. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola pravnom licu „PEČANKA“ d.o.o. Cazin za ispuštanje oborinskih onečišćenih voda sa lokacije objekta benzinske pumpne stanice sa pratećim sadržajima, lociranog u naselju Pećigrad, Grad Cazin, izgrađenog na zemljištu označenom kao k.č. broj 2828, K.O. Pećigrad (podaci novog premjera), odnosno k.č. broj: 461/1, 461/2, 462/3, 462/5 i 462/8, K.O. Pećigrad (podaci starog premjera), Grad Cazin.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da korisnik, u toku važenja ovog Rješenja, realizira dostavljeni dinamički plan sa finansijskom procenom ulaganja broj: 01/2024 od 01.02.2024. godine, odnosno da izvede radnje predviđene odobrenom projektnom dokumentacijom - Glavnim projektom instalacija vodovoda i kanalizacije, urađen od strane Poduzeća za kontrolu i inženjering Zagrebinspekt d.o.o. Mostar pod brojem 01-15-63-XI/17 studenog 2017. godine, revidiranog od strane DIWAX d.o.o. Sarajevo pod brojem 13-11/17, dana 16.11.2017. godine, u Sarajevu odnosno:
 - Da do kraja mjeseca juna 2024. godine, korisnik predmetnog objekta izvrši radove predviđene navedenom projektnom dokumentacijom, kojim će se omogućiti da se čista oborinska voda sa sjeverne strane krova objekta benzinske pumpne stanice odvodi do ispusta u cestovni kanal makadamske ceste na stražnjoj strani objekta,
 - Da do kraja maja mjeseca 2025. godine budu izvedeni predviđeni uzdužni padovi pločnika prema dodatnim linijskim slivnicima i slivnim rešetkama,
 - Da do kraja juna mjeseca 2025. godine budu izvedene predviđene betonske kanalice, na prostoru za pretakanje goriva, ka slivnim rešetkama,
 - Da se do kraja mjeseca novembra 2025. godine nabavi i ugradi predviđeni separator ulja i masti sa koalescentnim filterom, kapacitetea 10 l/s, sa prelivom u postojeći betonski trokomorni separator, koji će služiti kao okno za uzorkovanje prečišćene otpadne vode,
 - Da do kraja mjeseca novembra 2025. godine bude izveden predviđeni upojni bunar kružnog poprečnog presjeka 150 cm.
 - 3.2. Korisnik predmetnog objekta je u obavezi da za vrijeme važenja ovog rješenja izvrši zamjenu jednoplasnih čeličnih spremnika sa čeličnim spremnicima sa dvostrukim plaštom te automatskim sistemom dojava o procurenju međuplašnog prostora.
 - 3.3. Da korisnik predmetnog objekta benzinske pumpne stanice sa pratećim sadržajima, isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.

- 3.4. Skladištenje nafte i naftnih derivata vršiti u podzemnim jednoplašnim rezervoarima, ukupnog kapaciteta 190 m³ (1x50 m³ za dizel gorivo, 2x50 m³ za benzinsko gorivo i 1x40 m³ za loživo ulje), do zamjene istih spremnikom sa dvostrukim plaštom i sistemom automatske dojava o procurenju istog.
- 3.5. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
- 3.6. U cilju praćenja kvaliteta ispuštene prečišćene otpadne vode, potrebno je da se na odvodnom kolektoru a prije ispusta u prijemnik, predvidi izgradnja okna za monitoring, shodno članu 19. stav (4) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj 26/20, 96/20 i 1/24).
- 3.7. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
- 3.8. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i pretakališnih površina nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti), a zatim tretirane vode ispuštaju u recipijent – upojni bunar.
- 3.9. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
- 3.10. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti („Službene novine Federacije BiH”, broj 14/10, 14/13, 26/14, 23/17 i 41/20).
- 3.11. U toku važenja ovog Rješenja, korisnik predmetnog objekta je obavezan poduzeti sve potrebne mjere kako bi kvalitet oborinskih onečišćenih voda, a prije ispuštanja u recipijent, zadovoljio granične vrijednosti emisije definisane u članu 14. i 15. Uredbe o uslovima ispuštanja otpadnih voda u okoliš i sisteme javne kanalizacije.
- 3.12. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.13. Opasni materijal i otpad, kako u toku izvođenja radova tako i u toku rada pogona ne smije se ni privremeno odlagati na česticu «vodno dobro», odnosno u vodotok i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11 i 88/12), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik „PEČANKA” d.o.o. Cazin je dužan provoditi sve mjere i aktivnosti propisane istom.
6. Korisnik predmetnog objekta je dužan, u skladu sa članom 26 a. stav (1) Uredbe o izmjenama i dopunama Uredbe o uslovima ispuštanja otpadnih voda u okoliš i sisteme javne kanalizacije, vršiti ispitivanja kvaliteta otpadnih voda u okoliš i sisteme javne kanalizacije, a zatim tretirane vode ispuštati u recipijent – upojni bunar.

Federacije BiH", broj: 1/24), na obrascu iz Priloga B Uredbe, izvještavati ovu Agenciju i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, i to:

- Prvi put nakasnije do 31.12.2024. godine,
- Drugi put nakasnije do 30.06.2025. godine.

Na osnovu navedenih izvještaja, ova Agencija će, u skladu sa članom 26 a. stav (2) Uredbe, sačiniti sumarni izvještaj, na obrascu iz Priloga C Uredbe i dostaviti ga Federalnom ministarstvu okoliša i turizma te Federalnom ministarstvu poljoprivrede, vodoprivrede i šumarstva, najkasnije mjesec dana po isteku naprijed navedenih rokova, koji će biti javno dostupni na web stranicama navedenih ministarstava najkasnije u roku od 10 dana od dana prijema sumarnih izvještaja.

7. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 26. stav (1) Uredbe o ispuštanju otpadnih voda u okoliš i sisteme javne kanalizacije („Službene novine Federacije BiH", broj: 26/20, 96/20 i 1/24) se daje sa rokom važenja do 30.06.2026. godine.
10. Ovo rješenje o vodnoj dozvoli prestaje da važi ako korisnik predmetnog objekta ne ispunji uvjete iz tačke 3.1. ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
13. Uvjet za izdavanje novog vodnog akta je ispunjenje uvjeta navedenih tačkom 3. ovog rješenja i ukoliko isti ne budu ispunjeni neće se moći izdati novi vodni akt, a u skladu sa odredbama Zakona o vodama i Uredbe o izmjeni i dopuni uredbe o uslovima ispuštanja otpadnih voda u okoliš i sisteme javne kanalizacije.

O b r a z l o ž e n j e

Pravno lice, „PEĆANKA" d.o.o. Cazin, obratilo se ovoj Agenciji dana 20.11.2023. godine zahtjevom za izdavanje vodne dozvole za ispuštanje oborinskih onečišćenih voda sa lokacije objekta benzinske pumpne stanice sa pratećim sadržajima, lociranog u naselju Pećigrad, izgrađenog na zemljištu označenom kao k.č. broj 2828, K.O. Pećigrad (podaci novog premjera), odnosno k.č. broj: 461/1, 461/2, 462/3, 462/5 i 462/8, K.O. Pećigrad (podaci starog premjera) Grad Cazin.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Aktuelni izvod iz sudskog registra, Matični broj subjekta upisa: 17-01-0029-09; izdan od strane Općinskog suda u Bihaću dana 10.02.2023. godine (ovjerena kopija),
- Uvjerjenje o poreznoj registraciji, izdano dana 17.03.2009. godine od strane Federalnog ministarstva finansija, Porezne uprave – Kantonalni porezni ured UNSKO-SANSKOG KANTONA,
- Uvjerjenje o registraciji/upisu u Jedinstveni registar obveznika indirektnih poreza, broj: 04/1-UPJR/1-1813-2/09, izdano od strane Uprave za indirektno – neizravno oporezivanje Bosne i Hercegovine, dana 25.03.2009. godine, u Banjaluci,
- Rješenje, kojim se mijenja pravosnažno rješenje broj: 06-20-926/09 od 08.05.2009. godine tako da glasi: Društvo sa ograničenom odgovornošću „PEĆANKA" Cazin, Pećigrad bb, ispunjava uslove zapošljavanja i minimalne tehničke uslove poslovnih prostorija, opreme i uređaja za benzinsku pumpnu stanicu – šifre djelatnosti: G 50.5050.500 Trgovina na malo motornim gorivima i mazivima, G 52.1 Trgovina na malo u nespecijalizovanim prodavnicama (trgovina na malo i drugim neprehrambenim proizvodima: ulja, maziva, rezervni dijelovi za automobile, cigarete, sredstva za higijenu, novine, časopise, razglednice, kartice, suveniri, kao i bezalkoholnim i alkoholnim pićem u tvoričkom pakovanju, sitnim industrijskim prehrambenim proizvodima u tvoričkom pakovanju, tvorički pakovanom sladoledu i pivo pakovano u nepovratu ambalažu, G 52.486 Trgovina na malo uljem za loženje za domaćinstvo i plinom za domaćinstvo u originalnim bocama, sjedište benzinske pumpne stanice je u Cazinu, naselje Pećigrad bb; izdano od strane Službe za razvoj i poduzetništvo općine Cazin pod brojem 06-20-14/09, dana 21.05.2010. godine (kopija),
- Rješenje, kojim se daje urbanistička saglasnost investitoru Muhamedagić (Hase) Nazifu iz Pećigrada, za izgradnju benzinske stanice, na zemljištu označenom kao k.č. broj: 2828, K.O. Pećigrad.

- po starom katastarskom operatu predstavlja k.č. broj: 461/1, 461/2, 462/3, 462/5, 462/8 k.o. Pećigrad; izdano od strane Sektora za prostorno uređenje, katastar i imovinsko-pravne poslove opštine Cazin pod brojem 05-364-52/97, dana 30.09.1997. godine, u Cazinu (kopija),
- Kopija naloga za plaćanje upravne pristojbe,
 - Kopija Rješenja o vodnoj dozvoli za promet opasnih materija koje nakon upotrebe dospijevaju u vode i ispuštanje oborinskih onečišćenih voda sa lokacije objekta benzinske pumpne stanice sa pratećim sadržajima, lociranog u naselju Pećigrad, Grad Cazin, izdano od strane Agencije za vodno područje rijeke Save pod brojem UP-1/25-3-40-041-9/19, dana 17.05.2019. godine (kopija),
 - Rješenje, kojim se investitoru Muhamedagić (Hase) Nazifu iz Pećigrada daje odobrenje za izgradnju benzinske stanice; izdano od strane Sektora za prostorno uređenje, katastar i imovinsko pravne poslove Opštine Cazin pod brojem 05-364-214/97, dana 07.11.1997. godine, u Cazinu (kopija),
 - Rješenje, kojim se investitoru Muhamedagić (Hase) Nazifu iz Pećigrada daje odobrenje za upotrebu poslovnog objekta u naselju Pećigrad, namjenski za benzinsku pumpu; izdano od strane Sektora za prostorno uređenje, katastar i imovinsko-pravne poslove Opštine Cazin pod brojem 05-360-97/97, dana 10.12.1997. godine, u Cazinu (kopija),
 - Rješenje o okolišnoj dozvoli, kojim se izdaje okolišna dozvola operatoru „Pećanka“ d.o.o. Cazin za benzinsku pumpu koja se nalazi u naselju Pećigrad, grad Cazin, na zemljištu ozačenom kao k.č. broj: 2828/2 i 2828/3 k.o. Pećigrad, kapaciteta spremnika za gorivo 190 m³; izdano od strane Ministarstva za građenje, prostorno uređenje i zaštitu okoliša Unsko-sanskog kantona pod brojem 11-23-7434-UP-1/19, dana 19.07.2020. godine, u Bihaću (kopija),
 - Godišnji izvještaj o monitoringu i ispitivanju otpadne vode benzinske pumpe „PEĆANKA“ Cazin; urađen od strane „Herkon“ d.o.o. Mostar pod brojem GI-OV-02-032/23, marta 2023. godine, u Mostaru (kopija),
 - Kopija katastarskog plana, Katastarska općina: Pećigrad, Broj plana: 1; izdana od strane Službe za imovinsko-pravne, geodetske i katastarske poslove Grada Cazina pod UR BROJ: 05-26-86/2021-2, dana 07.01.2021. godine (kopija),
 - Izvod iz plana, Usvojeni nacrt prostornog plana općine Cazin („Sl. novine općine Cazin“, broj: 1/07), prostorna organizacija; izdan od strane Službe za urbanizam i zaštitu okoliša Grada Cazina pod brojem 04-23-9183/19, dana 20.08.2019. godine (kopija),
 - Glavni projekt instalacija vodovoda i kanalizacije, urađen od strane Poduzeća za kontrolu i inženjering Zagrebinspekt d.o.o. Mostar pod brojem 01-15-63-XI/17, studenog 2017. godine (na uvid),
 - Revizijski izvještaj glavnog projekta, urađen od strane DIWANX d.o.o. Sarajevo pod brojem 13-11/17, dana 16.11.2017. godine, u Sarajevu (na uvid),
 - Glavni mašinski projekat instalacija, opreme i uređaja; urađen od strane projektnog biroa „PLAN“ Velika Kladuša, septembra 1997. godine, u Velikoj Kladuši (na uvid),
 - Idejni projekt samouslužne autopraonice; urađen od strane „AMG – PROJEKAT“ d.o.o. Velika Kladuša pod šifrom PO 01-02-C/2020, februara 2020. godine (priložena kopija sadržaja, na uvid),
 - Zaključak o posebnim troškovima, izdan od strane Agencije za vodno područje rijeke Save pod brojem UP-1/21-3-40-518-2/23 dana 01.12.2023. godine te kopija uplatnice za iste,
 - Službena zabilješka o povratu projektne dokumentacije od 10.1.2024. godine,
 - Molba za produženje vodne dozvole,
 - Ugovor o zakupu benzinske pumpne stanice, bifea te drugih pratećih objekata i zemljišta, zaključen dana 25.02.2019. godine između zakupodavaca: Muhamedagić (Nazif) Aldijana, Maide i Lejle te zakupoprimalca: Pećanka d.o.o. Cazin, ovjerenog od strane notara Selvedina Ahmetaševića pod brojem OPU-OV broj: 252/2019, dana 18.03.2019. godine (kopija),
 - Popratni akt o dopuni podneska zatjeva – dinamičkog plana,
 - Kopija dijela sadržaja i nacrt iz projekta mašinskih instalacija, vezano za ugradnju jednoplašnih spremnika za gorivo,
 - Dinamički plan realizacije predviđenih aktivnosti i mjera sa finansijskom procjenom ulaganja, broj: 01/2024 od 01.02.2024. godine.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, izvršen je pregled izgrađenog poslovnog objekta benzinske pumpne stanice sa pratećim sadržajima i tom prilikom sačinjen zapisnik o uviđaju broj: UP-1/21-3-40-518-3/23 od 29.12.2023. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:
Poslovni objekt benzinske pumpne stanice sa pratećim sadržajima, u najmu podnosioca zahtjeva „Pećanka“ d.o.o. Cazin, je izgrađen sa desne strane magistralne ceste Cazin Srbijani – GP Maljevac, u naselju Pećigrad, grad Cazin.

Objekat se sastoji od nadstrešnice iznad aparata za istakanje goriva sa maloprodajnim mjestom i kafe barom, sanitarnim i upravnim prostorijama, spremnika za gorivo, separatora, internih saobraćajnih i parkirnih površina te zelenila.

Gorivo se dovozi autocisternama i pretače u ukopane jednoplaše spremnike, kapaciteta 190 m³ (3x50+1x40). Sanitarne otpadne vode iz maloprodajnog objekta su kanalizacionim cijevima sprovedene do septika. Oborinske vode sa krovova su sistemom horizontalnih i vertikalnih oluka sprovedene do revizionih šahtova, a potom cijevnim sistemom do septika. Oborinske vode sa manipulativnih i pretakališnih površina, koje mogu da sadrže produkte naftnih derivata i suspendirane materije sa vozila u prometu istim, se nivelacijom terena slijevaju ka linijskim slivnim rešetkama i slivnicima te preko separatora ulja i masti ispuštaju u cestovni kanal makadamske ceste u zaleđu predmetnog objekta.

Uvidom u Glavni mašinski projekat instalacija, opreme i uređaja, urađen od strane PROJEKTI BIRÓ „PLAN“ iz Velike Kladuše pod brojem 11/97, septembra 1997. godine, utvrđeno je da su prije rata ukopani jednoplašni spremnici za gorivo te da vlasnik objekta, kada je nakon rata pripremao objekt za upotrebu nije htio da ih zamijeni dvoplašnim spremnicima, niti su isti smješteni u AB tankvane, kao dodatnu zaštitu od procurenja naftnih derivata u tlo (tehnički opis, predmjer i predračun radova te tehnički nacti).

U prethodnom postupku je utvrđeno da je prva vodoprivredna dozvola za predmetni objekt bile izdana na DJL Banjac p.o. Pećigrad, od strane Kantonalnog ministarstva poljoprivrede, vodoprivrede i šumarstva Unsko-sanskog kantona, produžena 7.10.1999. godine, u Bihacu, a da je sadašnji korisnik pod zakupom od 19.04.2009. godine.

Dinamičkim planom u prethodnom postupku je bilo predviđeno i da se izvrši zamjena jednoplašnih spremnika dvoplašnim, što je ovim postupkom izostavljeno i dat je rok do kraja važenja ovog rješenja. To iz razloga što se uredba odnosi samo na sistem za prikupljanje, tretman i ispuštanje otpadnih voda sa prostora podnosioca zahtjeva i zbog specifičnih uvjeta korisnika, a koje je naveo u molbi za produženje vodne dozvole te je obrađivač akta postupio na način kako je to riješeno u dispozitivu ovog rješenja.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Razmatrajući podneseni zahtjev, a na osnovu dostavljene dokumentacije i uvida izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom, u tački 3. dispozitiva ovog Rješenja, propisani uslovi pod kojima je izdano ovo rješenje i koji se trebaju ispoštovati u toku važenja istog.

Na osnovu provedenog postupka konstatuje se da je podnosilac zahtjeva, „PEĆANKA“ d.o.o. Cazin, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviiti:

- „PEĆANKA“ d.o.o. Cazin, Pećigrad bb, 77 227 Pećigrad,
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča-AVP Sava